

Na osnovu članova 20. i 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst, 2/17) i člana 25. stav 7., člana 34. stav 1. i člana 39. stav 2. Zakona o prostornom uređenju Kantona Sarajevo ("Službene novine Kantona Sarajevo", broj 24/17), Općinsko vijeće Novi Grad Sarajevo, na 14. sjednici održanoj 27.02.2018. godine, donijelo je

ODLUKU

O PRISTUPANJU IZRADI IZMJENA I DOPUNA REGULACIONOG PLANA "BRIJEŠĆE"

- Za lokalitet spoj magistralne ceste M17 i ulice Safeta Zajke (Skrraćeni postupak)

Vrsta Plana

Član 1.

Pristupa se izradi Izmjena i dopuna Regulacionog plana "Briješće" ("Službene novine Kantona Sarajeva" br. 32/13) - za lokalitet spoj magistralne ceste M17 i Ulice Safeta Zajke po skraćenom postupku, u daljem tekstu: Plan.

Granice područja za koje se Plan radi

Član 2.

Područje izmjene Plana odnosi se na izmjenu saobraćajnog rješenja u kontaktnom području izvan južne granice obuhvata Plana na mjestu spajanja magistralne ceste M17 sa ulicom Safeta Zajke.

Osnov za izradu Plana

Član 3.

Izradi Plana se pristupa na osnovu RP "Briješće" ("Službene novine Kantona Sarajevo", broj 32/13).

Vremenski period za koji se Plan donosi

Član 4.

Plan se donosi za period do donošenja novog planskog dokumenta.

Smjernice za izradu Plana

Član 5.

Kroz izradu Plana potrebno je:

1. u južnom kontaktnom dijelu obuhvata Plana, na mjestu spajanja magistralne ceste M17 sa ulicom Safeta Zajke izvršiti izmjenu saobraćajnog rješenja na način da se postojeća "T" raskrsnica zamijeni raskrsnicom kružnog oblika, a prema saobraćajno-tehničkim uslovima iz Idejnog rješenja "Rekonstrukcija raskrsnice cesta M17 i ulica Safeta Zajke u kružni tok, M17_008, km 7+350" urađenog od strane IPSA Institut d.o.o. Sarajevo, mart 2017. godine.

Rok za pripremu i izradu Plana.

Član 6.

Rokovi za pripremu i izradu Plana po fazama su:

- Odluka o pristupanju izradi Plana: februar 2018.

- Ugovaranje: mart 2018.
- Prijedlog Plana: do kraja aprila 2018.
- Javna tribina: do 10. maja 2018.
- Usvajanje Plana: maj 2018.

Sadržaj Plana

Član 7.

Plan treba da sadrži tekstualni dio sa Odlukom o usvajanju i Odlukom o provođenju Plana i grafički dio sa odgovarajućim brojem tematskih karata.

Način osiguranja sredstava za izradu Plana

Član 8.

Sredstva za izradu Plana u iznosu od 4.500,00 KM, obezbijediće Općina Novi Grad Sarajevo.

Nosilac pripreme Plana i Nosilac izrade Plana

Član 9.

Nosilac pripreme Plana je Načelnik Općine Novi Grad Sarajevo. Nosilac izrade Plana je Zavod za planiranje razvoja Kantona Sarajevo.

Subjekti planiranja

Član 10.

Subjekti planiranja su: Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, JP Ceste Federacije BiH, Grad Sarajevo, Općina Novi Grad Sarajevo, Zavod za izgradnju Kantona Sarajevo, Zavod za planiranje razvoja Kantona Sarajevo, komunalna i javna komunalna preduzeća, vjerske zajednice, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Donošenje Plana

Član 11.

Nosilac izrade Plana će izraditi Prijedlog Plana i dostaviti ga Nosiocu pripreme Plana. Nosilac pripreme Plana utvrditi će Prijedlog plana i podnijeti ga Općinskom vijeću na donošenje.

Ostale odredbe

Član 12.

Sastavni dio ove Odluke je grafički prilog sa ucrtanom granicom područja planiranja.

Član 13.

Sastavni dio Prijedloga Plana je "Elaborat orijentacionih troškova uređenja građevinskog zemljišta".

Član 14.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-5123/18
27. februara 2018. godine
Sarajevo

Predsjedavajući
Općinskog vijeća
Dr. Rusmir Baljić, s. r.